



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
Općinski načelnik

Na osnovu člana 4. Pravilnika o dodjeli stipendije "Prof. dr. Husein Kulenović" - prečišćen tekst („Službene novine Kantona Sarajevo“, br.30/11 i 2/14), Općinski načelnik raspisuje

KONKURS

za stipendiranje učenika i studenata u školskoj 2016/2017. godini

Pravo na stipendiju imaju nadareni učenici i studenti, te učenici i studenti iz boračke populacije i socijalne kategorije koji imaju prebivalište na području općine Centar Sarajevo u neprekidnom trajanju od tri godine do dana podnošenja prijave, a ne koriste stipendiju po drugom osnovu i to:

- 1. učenici srednjih škola sa najmanjom prosječnom ocjenom od 4,5, a učenici prvog razreda srednje škole koji su u toku osnovnog obrazovanja, odnosno od petog do devetog razreda, stekli prosjek ocjena 5,0;**
- 2. redovni studenti I i II ciklusa studija koji prvi put upisuju tekuću akademsku godinu sa prosjekom ocjena od najmanje 8,5;**

Apsolventi nemaju pravo na stipendiju.

Prijavljeni kandidati će se bodovati po pet osnova za koja treba priložiti original ili ovjerenu kopiju dokumentacije:

- **rezultati postignuti u prethodnoj školskoj godini**
 - svjedočanstvo o uspjehu u prethodnoj školskoj godini, a za učenike I razreda srednje škole svjedočanstvo o završenom IX razredu i uvjerenje o prosjeku ocjena za V, VI, VII i VIII razred;
 - uvjerenje o prosjeku ocjena u prethodnoj akademskoj godini ili prosjek prethodnih godina studija;
 - potvrda o upisu u školsku/akademsku 2016/17.godinu
- **rezultati postignuti na takmičenjima**
 - dokaz o učešću i postignutim rezultatima na kantonalnim, federalnim, državnim i međunarodnim takmičenjima;
- **nizak porodični standard**
 - priložiti kućnu listu o broju članova zajedničkog domaćinstva;
 - dokaz o ličnim primanjima istih: *zaposleni-platnu listu za posljednji mjesec; penzioneri posljednji ček; uvjerenje o primanjima po osnovu boračko-invalidske zaštite i zaštite civilnih žrtava rata; nezaposleni-potvrdu Zavoda za zapošljavanje, a ako nisu prijavljeni kod Zavoda, uvjerenje Federalnog zavoda PIO/MIO da nisu na evidenciji; potvrdu o redovnom školovanju člana porodice, odnosno rodni list za predškolsko dijete;*
 - za sve punoljetne članove uvjerenje porezne uprave o prihodima ostvarenim po osnovu poljoprivredne djelatnosti, imovinskih i autorskih prava, privrednih, uslužnih i drugih djelatnosti te dopunskih djelatnosti (**obavezno za sve kandidate**).
- **otežani uvjeti života**
 - dokaz da je:
 - učenik/student bez jednog ili oba roditelja
 - učenik/student čiji je jedan ili oba roditelja neratni invalidi
 - učenik/student sa invaliditetom
- **učešće roditelja u Oružanim snagama R BiH i otežani uvjeti života koji su nastali kao posljedica rata**
 - dokaz da je učenik ili student čiji je jedan ili oba roditelja:
 - poginuo kao pripadnik OS RBiH
 - ratni vojni invalid
 - bio pripadnik OS RBiH
 - nosilac najvećeg ratnog priznanja ili dobitnik najvećeg općinskog priznanja za doprinos u odbrani BiH (plaketa sa zlatnim ljiljanima, povelja sa zlatnim ljiljanima)

Sero

Kandidat je također dužan priložiti **Uvjerenje o kretanju**, a ako je kandidat maloljetan Uvjerenje o kretanju za roditelja - staratelja (MUP KS- Policijska ispostava Centar).

Učenici srednjih škola sa prosjekom ocjena 5,0 kao i redovni studenti sa prosjekom ocjena 9,0 i više ostvaruju pravo na dodjelu stipendije, bez obzira na ukupan broj bodova, prikupljen na osnovu drugih kriterija po ovom Pravilniku.

Stipendije će se isplaćivati 10 mjeseci počev od septembra 2016. godine i to:

- za srednje obrazovanje u iznosu od 80,00 KM i
- za studente na visokoškolskim ustanovama i fakultetima u iznosu od 120,00 KM

Stipendija se ne može dodijeliti za dva ili više učenika ili studenta istog domaćinstva.

Preliminarna rang lista izabranih kandidata, objavit će se na Web stranici i Oglasnoj ploči Općine.

O konačnim rezultatima konkursa svaki prijavljeni kandidat će biti pismeno obaviješten. Nepotpune i neblagovremene prijave neće se uzeti u razmatranje.

Prijavu na Konkurs (koju možete naći na web strani www.centar.ba ili lično preuzeti na info-pultu Općine Centar Sarajevo) **sa potrebnom dokumentacijom dostaviti lično na protokol Općine Centar Sarajevo ili poštom preporučenu na adresu Mis Irbina broj 1, uz naznaku "Prijava za stipendiju".**

Rok za podnošenje prijave je 27.01.2017. godine.